

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

R J E Š E N J E
po Zahtjevu za odgađanje izvršenja pobijanog konačnog
Rješenja Konkurencijskog vijeća broj: 02-26-2-028-145-II/11od 4.9.2012. godine

Sarajevo,
septembar 2012. godine



Broj: 02-26-2-028-160-II/11
Sarajevo, 20.9.2012.godine

Na osnovu člana 25. stav (1) tačka e), člana 42. tačka 2) Zakona o konkurenciji («Službeni glasnik BiH», br. 48/05, 76/07 i 80/09), člana 18. st. 2. Zakona o upravnim sporovima Bosne i Hercegovine («Službeni glasnik BiH», br. 19/02, 88/07, 83/08 i 74/10), a rješavajući po Zahtjevu za odgađanje izvršenja konačnog Rješenja broj: 02-26-2-028-145-II/11 od 4. septembra 2012. godine, dostavljenog od strane privrednog subjekta Apatinska pivara Apatin d.o.o, Trg oslobođenja 5., 25260 Apatin, Republika Srbija, koji je zaprimljen dana 18.9.2012. godine, Konkurencijsko vijeće Bosne i Hercegovine, na 42. sjednici održanoj dana 20. septembra 2012. godine, donijelo je

R J E Š E N J E

1. Usvaja se Zahtjev za odgađanje izvršenja pobijanog konačnog Rješenja Konkurencijskog vijeća broj: broj 02-26-2-028-145-II/11 od dana 4.9.2012. godine do konačne sudske odluke, podnesen od strane privrednog subjekta Apatinska pivara Apatin d.o.o. Trg oslobođenja 5., 25260 Apatin, Republika Srbija.
2. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je dana 18.9.2012. godine pod brojem: 02-26-2-028-155-II/11, zaprimilo Zahtjev za odlaganje izvršenja Rješenja Konkurencijskog vijeća broj 02-26-2-028-145-II/11 od 4.9.2012. godine (u daljem tekstu: Zahtjev) podnesen od strane privrednog subjekta Apatinska pivara Apatin d.o.o Trg oslobođenja 5., 25260 Apatin, Republika Srbija (u daljem tekstu: Podnosilac zahtjeva ili Apatinska pivara).

U navedenom Zahtjevu, a u skladu sa članom 18. Zakona o upravnim sporovima Bosne i Hercegovine, Podnosilac zahtjeva je istakao prijedlog za odgađanje izvršenja Rješenja Konkurencijskog vijeća, broj 02-26-2-028-145-II/11 od 4. septembra 2012. godine, do konačne sudske odluke.

Podnosilac zahtjeva traži odgađanje izvršenja konačnog Rješenja Konkurencijskog vijeća broj 02-26-2-028-145-II/11 od 4. septembra 2012. godine i navodi slijedeće:

- da je Apatinska pivara dana 10.9.2012. godine primila Rješenje Konkurencijskog vijeća broj: broj 02-26-2-028-145-II/11 od 4.9.2012. godine te da je protiv istog pokrenula upravni spor time što je dana 18.9.2012. godine podnijela tužbu Sudu Bosne i Hercegovine;
- da je privredni subjekt Apatinska pivara, kojem je po konačnom Rješenju Konkurencijskog vijeća broj: broj 02-26-2-028-145-II/11 od 4.9.2012. godine određena novčana kazna u iznosu od 265.000,00KM, pravno lice registrovano u Republici Srbiji te da se postavlja pitanje kako bi se u slučaju uspjeha u upravnom sporu mogla nadoknaditi šteta nastala plaćanjem kazne;
- da bi se u slučaju eventualnog povrata novca trebalo izvršiti niz operacija koje se odnose na platni promet između Republike Srbije i Bosne i Hercegovine te da je zbog neizvjesnog

načina izvršenja očigledno da bi svaki eventualni povrat novca bio povezan sa nesrazmjernim gubicima i troškovima;

- da je Rješenjem Konkurencijskog vijeća broj: broj 02-26-2-028-145-II/11 od 4.9.2012. godine određeno da u slučaju da Apatinska pivara iz bilo kog razloga ne plati izrečenu kaznu, izvršenje bilo sprovedeno na imovini Starbev d.o.o. Banja Luka, a da to privredno društvo nema proizvodnju, nema velike prihode, a ima veliki broj zaposlenih te da bi izvršenje kazne u iznosu od 265.000,00KM ovo privredno društvo dovelo u velike teškoće u poslovanju jer prema podacima iz Bilansa uspjeha ukupni prihodi tog društva u 2011. godini su iznosili (..)*¹KM;
- da se na strani 27. Rješenja Konkurencijskog vijeća broj: broj 02-26-2-028-145-II/11 od 4.9.2012. godine navodi da prvenstveni cilj kazne nije kažnjavanje već upozorenje na obavezu poštovanja pravila tržišne konkurencije;
- da Zahtjev za odlaganje nije protivan javnom interesu;
- da suprotnoj strani neće nastati bilo kakva šteta budući da od same kazne suprotna strana nema nikakve koristi.

Konkurencijsko vijeće je u ocjeni predmetnog Zahtjeva uzelo u obzir odredbe člana 18. Zakona o upravnim sporovima, i to:

- stav 2. koji glasi «Po zahtjevu tužioca, nadležna institucija za provođenje izvršenja pobijenog konačnog upravnoga akta, odgodit će izvršenje do konačne sudske odluke, ako bi izvršenje nanijelo tužiocu štetu koja bi se teško mogla popraviti, a odgađanje nije protivno javnom interesu niti bi se njime nanijela veća nenadoknadiva šteta protivnoj stranci....»;

Konkurencijsko vijeće je prilikom odlučivanja o navedenom zahtjevu kao opravdanu ocijenilo činjenicu da je privredni subjekt Apatinska pivara registrovan na teritoriji Republike Srbije te da bi eventualni povrat novca bio povezan sa nesrazmjernim troškovima.

Također je ocijenilo da u slučaju odgađanja izvršenja suprotnoj strani neće nastati nikakva šteta i da Zahtjev nije protivan javnom interesu te da su na taj način ispunjeni uslovi iz člana 18. stav 2. Zakona o upravnom postupku.

Imajući u vidu navedeno, Konkurencijsko vijeće je odlučilo kao u dispozitivu.

Pouka o pravnom lijeku

Protiv ovoga Rješenja nije dopuštena žalba. Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema odnosno objave ovoga Rješenja.

Predsjednik

Ibrica Lakišić

¹ (..)*Podaci predstavljaju poslovnu tajnu